

滿

廂紅旗滿洲忠烈傳

卷六



八旗通志初集卷之二百二十五

忠烈傳六

鑲紅旗滿洲官員

顧吉納

弟伊勒穆

塔納喀

子朱爾堪

桑固理

子赫什密
曾孫祿海

孟庫

子希福納

機穆庫

孫嘉泰

覺羅鄂博惠

覺羅錫翰
薩穆唐阿

布蘭珠

子富岱

尹布

子宜特赫
倭和

鍾古

穆什屯

特穆深

喀喇孫開泰
喀喇

沙爾納

子葛世圖
族人雅興阿

阿囊阿



讓喀朔馬

博陀理子保泰

班第翁艾

都貝慕喇沙布

沙克習兄之子石圖

孫塔岱子綏哈

安塔錫子達爾吉納

付拉布子保住普鐸

莫勒特穆德丹布

顧寧安舒恕納

克色立桑阿布

胡錫穆班搭哈

圖錫巴

覺羅星德

羅岱瓦爾布

富和申綏哈花色

英資諾爾齊阿爾泰

吳喀達圖福納

袞泰努克齊

顧納海文泰

薩哈達穆什哈阿爾泰

沙爾虎達米哈納

牛莫淳

敦拜托拜來色和倫泰色特立靠山

佛倫吳勒鄂海常馬岳德福親

于三保何記爾恨五達哈納親

米拉渾見名臣雍舜邱

王格察巴海

赫色郎格見名臣和託傳

察馬海

見名臣博爾晉轄傳下二人同

巴代

胡蘭

回色

傳見名臣吳喇禪

顧巴察

見名臣勞薩傳

額德

傳見名臣瓦爾喀
下二人同

舍爾圖

胡錫

喜福

見名臣科爾坤傳

岳洛

見名臣牛鈕傳

勞沙

見名臣拜音布傳
下同

炳圖

胡拉哈

見名臣法喀傳

胡善

見名臣殷泰傳

索爾和諾

見名臣額倫
特傳

八十九

傳見名臣葉臣

綽內

見名臣孟格圖傳

多果

傳見名臣剛吉納

托羅

見名臣吳爾東阿

喇占

傳見名臣馬克佳

回三

見名臣朱瓦尼傳

馬納海

傳見名臣託拜

顧吉納。滿洲鑲紅旗人。姓洪鄂氏。世居尼馬察地方。其叔父瑚球。於

太祖高皇帝時。率三百戶來歸。授備禦世職。卒。以顧吉納襲職。天命四年。隨大兵征葉赫。率本牛錄兵力戰。歿於陣。弟伊勒穆。襲備禦世職。天聰六年。大兵征明。攻大凌河。伊勒穆率擺牙喇五十人前進。遇明監軍道張春頭隊兵。直入敗之。叙功。加世職。爲三等甲喇章京。八年六月。以噶布什賢章京隨征明。遇哨卒二蒙古。二漢人來探我

進兵消息。伊勒穆殺蒙古一人。生擒二漢人一
蒙古以獻。

塔納喀。滿洲鑲紅旗人。姓西克特立氏。世居瓜
爾察洪鄂地方。初任備禦。天命六年。從證明攻
遼東。沿河力戰有功。授爲署遊擊。奉

命往收卦爾察兄弟家口。時同往收者。人止得二百口。
而塔納喀獨携三百口以歸。天聰五年。從證明
大凌河。破監軍道張春兵。面被創。落三齒。得頭
等賞。七年。隨證明旅順口。率本甲喇兵攻城。中

礮身亡。八年。議卹。贈牛錄章京世職。子朱爾堪。
即以天聰八年襲職。隨征撒哈連烏喇。擊奔波
果爾兵。率本固山甲士十人。擊敗對陣敵兵。凡
往畧五次。獲丁壯五十二人。順治元年。隨睿王
多爾袞。進山海關。擊流賊有功。加半箇前程。七
年。九年。三遇

恩詔。加至一等阿達哈哈番。

桑固理。滿洲鑲紅旗人。

國初即効力行間。有巴爾克者。叛逃而去。桑固理

同叟根追及斬之。天命六年。隨大兵克明遼東。授遊擊世職。天聰五年。從攻錦州。歿於陣。八年。議卹。加贈世職。爲二等甲喇章京。以其子赫什密承襲。是年。隨薩穆什哈。霸奇蘭。征黑龍江有功。九年。議叙。加世職。爲一等甲喇章京。緣事降。爲二等。病卒。以子赫圖襲職。順治七年。九年。三

遇

恩詔。加至三等阿思哈。尼哈番。緣事降。爲二等阿達哈。哈番。康熙四年。子祿海襲職。三十五年。隨官兵

征厄魯特。噶爾丹。由西路進兵。擊敗賊衆。三十二年。叙功。加世職。爲一等阿達哈哈番。

孟庫。滿洲鑲紅旗人。姓鄂濟氏。世居烏喇地方。

國初。隨大兵征董夔。擒獲綽什希塔布囊。福金一人。使女二人。及西岱台吉之弟。天聰八年。從征明。至大同。攻左衛城。與褚庫並登。克之。叙功。授半箇前程世職。并

賜赫爾根蒙古。又從攻懷來。歿於陣。仕至梅勒章京。子希福納。以甲喇章京。從靖南將軍朱瑪喇征廣

東。敗偽安西王李定國於新會縣。康熙十三年。從征逆藩耿精忠。吳三桂。在江西徐萬村。千金陂。七里崗。景德鎮村。及萍鄉縣東來龍山等處。擊賊。並有功。尋病卒於軍。二十五年。卹贈拖沙喇哈番。以子西清承襲。

機穆庫。滿洲鑲紅旗人。姓尼馬察氏。世居長白山東呼野地方。於

太祖高皇帝時來歸。從征瓦爾喀有功。授備禦。世職。天聰二年。從大兵征明。攻錦州城。被創卒。子馬爾

圖襲職。任牛莊守尉。五年。征明。再圍錦州。馬爾圖願効力行間。復父讐於大凌河。生擒明監軍道張春。順治七年。九年。三遇

恩詔。加世職至二等阿達哈哈番。同旗有孫嘉泰者。姓董鄂氏。世居瓦爾喀什地方。天命六年。隨征明。攻瀋陽。擊其步軍。歿於陣。尋議卹。贈遊擊。世職。以其子阿爾東阿承襲。

覺羅鄂博惠。滿洲鑲紅旗人。

景祖皇帝長兄之曾孫也。天聰四年。隨大兵征明。進取

永平府。在沙庫山與據守之蒙古兵交戰。被創。至家而歿。贈牛錄章京世職。以子溫托慧承襲。其弟覺羅錫翰。以崇德六年。隨大兵征明圍錦州。擊明軍門洪承疇三營步兵。同勞薩順科洛巴圖魯步戰攻入。歿於陣。七年議卹。贈牛錄章京世職。以子舒書承襲。是役本旗壯尼大薩穆唐阿。毀敵城堦有功。旋以擊洪承疇步兵陣亡。布蘭珠。滿洲鑲紅旗人。姓宜爾根覺羅氏。世居瓦爾喀什地方。天聰五年。隨征明攻錦州。擊寧遠兵。歿於陣。八年議卹。贈牛錄章京世職。以其子富岱承襲。順治元年四月。富岱隨睿王多爾袞進山海關。擊敗流賊。復追敗之於慶都縣。十一月。隨豫親王多鐸征流賊。在潼關屢敗賊兵。三年叙功。加半箇前程。

尹布。滿洲鑲紅旗人。姓寧古塔氏。世居訥音地方。天聰八年。以筆帖式隨薩穆什哈。霸奇蘭。征撒哈連烏喇有功。紀錄一次。又隨西特庫。吳巴海。往追喀木尼哈葉雷。亦有功。崇德二年。授半

箇前程世職。三年。隨貝勒岳託。攻慶都縣城。同哈爾薩。雅薩昂邦。席巴理。穴其城。克之。四年。加世職爲牛錄章京。三分之二。隨曹海。薩穆什哈。征撒哈連烏喇。獲丁壯三十人。進攻杜赫臣城。歿於陣。五年。長子宜爾特赫襲職。順治元年。隨睿王多爾袞。進山海關。擊流賊有功。二年。加世職爲牛錄章京。是年。隨平南大將軍貝勒勒克德渾。往湖廣。勦流賊一隻虎。六年。隨征大同。叛鎮姜瓖。賊兵自城內出。犯正紅旗汛地。宜

爾特赫率兵往援。敗之。七年。九年。三遇

恩詔。

加世職至二等阿達哈哈番。十二年。隨寧海大將

軍宜爾德。往浙江。征舟山賊。同白希巴圖魯。獲賊船。十四年。議叙。加世職爲一等阿達哈哈番。次子倭和。康熙十三年。以西安府防禦。委署驍騎參領。從征逆藩吳三桂。擊賊有功。授拖沙喇哈番。

鍾古。滿洲鑲紅旗人。姓舒書覺羅氏。世居西占地方。崇德六年。以戶部理事官。隨大兵。證明圍

松山。明軍門洪承疇馬兵。自松山城來犯鑲紅旗汛地。鍾古率本甲喇兵。隨梅勒章京雍舜擊敗之。敵兵復乘夜來犯鑲紅旗壕塹。復敗其衆。順治元年。隨睿王多爾袞。進山海關。擊流賊有功。二年。授半箇前程。世職。四年。課績。以稱職加世職。爲牛錄章京。六年。從征大同。歿於陣。七年。恩詔。追卹。加一拖沙喇哈番。同旗有穆什屯者。天聰七年。隨冷格里。征明攻南海島。與敵戰於鐵山。歿於陣。八年。議卹。贈牛錄章京。世職。以子胡敏承襲。

特穆深。滿洲鑲紅旗人。姓郭齊里氏。世居德爾濟阿庫禮地方。崇德八年。隨貝勒阿巴泰。征明至山東。用雲梯攻冠縣。首先登城。因後無繼者。遂歿於敵。尋議卹。贈牛錄章京。世職。以子扈鈕承襲。是役。本旗名喀喇者。亦以登城戰歿。卹贈牛錄章京。世職。以子堪泰承襲。開泰者。堪泰之子也。雍正六年。以叅領從征北路。九年。至和通呼爾哈那爾地方。擊賊陣亡。卹贈拖沙喇哈番。

沙爾納。滿洲鑲紅旗人。崇德八年。隨奉命大將軍阿巴泰。征明。攻河間府。首先登城。歿於敵。贈牛泉章京世職。以子巴林承襲。順治五年病卒。巴林弟葛世圖襲職。七年。九年。三遇。

恩詔。加至二等阿達哈哈番。十二年。隨寧海大將軍宜

爾德。往浙江舟^征山賊。同劉善政。獲賊船。十四年。議叙。加世職。爲一等阿達哈哈番。康熙十四年。并襲其族人雅興阿之三。等阿達哈哈番。合爲一等阿思哈尼哈番。隨貝子富喇塔。征逆藩耿

精忠。至浙江温州地方。擊僞將軍曾養性兵。歿於陣。二十五年。議卹。加贈一拖沙喇哈番。以子溥柱承襲。雅興阿。係沙爾納族人。順治二年。隨定國大將軍豫親王多鐸。征江南。用紅衣礮。攻崑山縣城。於擊破處。奮勇先登。遂克其城。三年。叙功。授半箇前程世職。七年。九年。三遇。

恩詔。加至三等阿達哈哈番。

阿囊阿。滿洲鑲紅旗人。姓伊拉里氏。世居費要和屯地方。初任牛泉章京。順治元年四月。隨睿

王多爾袞進山海關。擊敗流賊。五月。從征山西。用紅衣礮攻太原府城。所屬兵滿都護於擊破處先登。三年。隨豫親王多鐸追蒙古騰機思有功。授半箇前程世職。尋隨梅勒章京圖詹駐防山東東昌府。擊土賊。歿於陣。五年。加贈拜他喇布勒哈番。以兄之孫阿岱襲職。

讓喀。滿洲鑲紅旗人。順治元年。以牛錄章京隨睿王多爾袞進山海關。擊流賊有功。是年。隨固山額真葉臣平定山西。用紅衣礮攻太原府城。

同滿都護先登克之。三年。隨揚威大將軍豫親王多鐸征騰機思有功。授半箇前程世職。尋隨梅勒章京圖占征山東土寇。在東昌府擊賊。歿於陣。議卹。加贈為拜他喇布勒哈番。同旗有朔馬者。姓瓜爾佳氏。世居哈達地方。順治二年。以壯尼大委署甲喇章京。從征流賊。在延安府擊賊。歿於陣。得

恩賞銀二百兩。

博陀理。滿洲鑲紅旗人。順治二年。以壯尼大隨

征湖廣。擊荊州府賊一隻虎有功。八年復從征湖廣。在會同縣擊賊二隻虎袁宗第兵。歿於陣。尋議卹。贈拖沙喇哈番。子保泰。順治十四年襲職。康熙二十年隨征南。大將軍賴塔征逆孽吳世璠。由廣西進雲南。敗賊於石門坎。黃草壩。及雲南城下。並在事有功。二十五年議叙。加世職。爲拜他喇布勒哈番。

班第。滿洲鑲紅旗人。世居王佳地方。以地爲氏。順治六年隨官兵出征大同。叛鎮姜瓖。奮勇擊

賊歿於陣。尋議卹。贈拜他喇布勒哈番。是役本旗部委前鋒校翁艾。亦擊賊陣亡。

都貝。滿洲鑲紅旗人。世居興佳地方。以地爲氏。順治九年從定遠大將軍敬謹親王尼堪征僞桂王。至湖廣衡州府。與賊力戰陣亡。尋議卹。贈拖沙喇哈番。是役本旗王府一等轄喀喇沙布三等轄慕蘭。俱擊賊陣亡。

沙克習。滿洲鑲紅旗人。姓瓜爾佳氏。世居安楚拉庫多爾濟河。順治十二年以壯尼大隨寧海

大將軍固山額真宜爾德往浙江征舟山。歿於陣。十四年議卹。贈拖沙喇哈番。以子安錫承襲。十八年安錫卒。以沙克習兄之子石圖襲職。康熙二十年石圖隨征南大將軍賴塔。平定雲南有功。二十五年議叙。加世職。為拜他喇布勒哈番。三十五年復從征厄魯特噶爾丹。由西路進兵。敗賊。三十六年叙功。加一拖沙喇哈番。

孫塔。滿洲鑲紅旗人。順治十五年。以壯尼大從征。僞桂王至貴州。敗僞帥李成蛟於涼水井地。

方。又在雲南磨盤山。擊僞晉王李定國。歿於陣。十八年議卹。贈拖沙喇哈番。子綏哈襲職。康熙十三年。隨大兵出征吳耿二逆。在江西廣東廣西雲南等處擊賊。並有功。二十五年議叙。加世職。為拜他喇布勒哈番。又一拖沙喇哈番。同旗有岱柱者。亦以順治十五年隨征雲貴。在涼水井等處。擊賊李成蛟。李定國有功。康熙十六年。從征逆藩吳三桂。至湖廣。在太平街擊賊吳國貴。兵歿於陣。贈拖沙喇哈番。

安塔錫。滿洲鑲紅旗人。順治十七年。以委署壯
尼大從征福建。擊海賊鄭成功。同委署燾章京
額爾德赫。擒獲賊船。旋中礮陣亡。康熙二年。贈
拜他喇布勒哈番。以子達烏襲。二十年。隨征南
大將軍賴塔。征逆孽吳世璠。由廣西進雲南。敗
賊於黃草壩。復敗之於雲南城下。又隨都統希
佛等。追敗賊帥馬寶於烏木山。二十五年。叙功。
加一拖沙喇哈番。同旗有鄂爾吉納者。姓宜爾
根覺羅氏。世居玉鍾浦地方。順治十六年。從安
南將軍達素。征海寇鄭成功。至福建廈門地方。
擊賊陣亡。贈拖沙喇哈番。
付拉布。滿洲鑲紅旗人。姓納蘭氏。世居哈達地
方。祖薩穆哈。於

太祖高皇帝時來歸。初編牛錄。使管牛錄事。康熙元年。
付拉布以分得撥什庫。從定西將軍愛星阿征
雲南。至緬國。擒僞桂王。在事有功。授拖沙喇哈
番。十四年。從征叛鎮王輔臣。在陝西平涼府擊
賊。歿於陣。子保住襲職。康熙三十五年。保住從

征厄魯特噶爾丹。在西路擊賊有功。授拖沙喇哈番。併父職加爲拜他喇布勒哈番。付拉布兄之子普鐸。從征逆藩吳三桂。在永興縣陣亡。莫勒。滿洲鑲紅旗人。姓傅察氏。世居輝發地方。康熙三年。以佐領從定西將軍圖海等。征湖廣流寇。破茅麓山。有功。十三年。從征逆藩吳三桂。由陝西進四川。屢敗賊衆。在秦州擊僞將軍王屏藩。歿於陣。十六年。卹贈拜他喇布勒哈番。又一拖沙喇哈番。以子華善承襲。本旗有特穆德者。以部委護軍校。從征茅麓山。陣亡。又有丹布。顧寧安。舒恕。納三人。俱以部委護軍校。從征秦州。陣亡。

克色立。滿洲鑲紅旗人。康熙十三年。以驍騎校從征吳耿二逆。至江西。在建昌府。及宜黃萍鄉二縣。隨大兵屢敗賊兵。十五年十一月。至湖廣。攻長沙府城。歿於陣。二十五年。贈拜他喇布勒哈番。以凡之子馬爾泰承襲。同旗有桑阿布者。亦於康熙十三年。以主事隨經畧莫洛。征逆藩。

吳三桂由陝西進四川。至寧羗州。值提督王輔臣標兵叛亂。莫洛遇害。桑阿布亦戰歿於亂。兵二十三年。卹贈拖沙喇哈番。以子吳什巴承襲。胡錫穆。滿洲鑲紅旗人。姓傅察氏。康熙十三年。以佐領從征逆藩耿精忠。至江西。屢立戰功。在建昌府城南鐘鼓山。擊賊被創。尋創發身故。二十五年。贈拖沙喇哈番。以孫華保承襲。同旗有班塔哈者。亦於康熙十三年。以五品鳴贊官。從征逆藩耿精忠。至江西。敗賊於鄱陽湖官塘地方。又敗之於康山。十四年。隨安親王岳樂。至建昌府長興。擊賊首邵連。登兵歿於陣。二十五年。卹贈拖沙喇哈番。以孫金齊顯承襲。

圖錫巴。滿洲鑲紅旗人。姓喀爾喇氏。世居葉赫地方。康熙十三年。隨征逆藩吳三桂。在江西湖廣等處。屢立戰功。十五年二月。在萍鄉縣東來龍山。隨安親王岳樂。擊偽將軍夏國相李良棟等。圖錫巴管領巴圖魯雲梯進攻。歿於陣。二十五年。議卹。贈拖沙喇哈番。以子穆爾禪承襲。

覺羅星德。滿洲鑲紅旗人。

景祖皇帝長兄之三世孫也。康熙十三年。以七品官隨官兵出征逆藩吳三桂。至江西湖廣。屢立戰功。在陳崗山擊僞將軍馬寶兵。歿於陣。贈拖沙喇哈番。

羅岱。滿洲鑲紅旗人。康熙十三年。以佐領部委員領。從征逆藩吳三桂。陣亡。本旗部委員驍騎校瓦爾布。亦從征吳三桂。陣亡。部委員護軍校富和申。在湖廣彝陵州陣亡。綏哈。在岳州陣亡。花色。

在廣西平樂府陣亡。

英資。滿洲鑲紅旗人。姓鄂岳氏。世居葉赫地方。康熙十三年。以八品官從征逆藩吳三桂。在陝西湖廣屢立戰功。授拖沙喇哈番。二十九年。從征厄魯特噶爾丹。在烏蘭布通擊賊。歿於陣。加贈拜他喇布勒哈番。以子常壽承襲。同旗有諾爾齊者。姓嘎爾達蘇氏。世居黑龍江地方。康熙十四年。以護軍校從征叛鎮王輔臣。至陝西。在平涼府擊賊。歿於陣。十六年。卹贈拖沙喇哈番。

以子諾色禮襲職。又有部委驍騎校阿爾泰。亦在平涼陣亡。

吳喀達。滿洲鑲紅旗人。姓松顏氏。世居尼雅滿地方。康熙十四年。以委署護軍校。隨信郡王鄂扎征察哈爾布爾尼有功。十五年。從撫遠大將軍圖海征叛鎮王輔臣。敗賊兵於平涼。是年十一月。從征南將軍穆占。往湖廣協征逆藩吳三桂。在永興地方。擊偽將軍馬寶。胡國柱兵。歿於陣。二十五年。贈拖沙喇哈番。以子王天壽承襲。

本旗部委護軍校圖福納。亦在永興陣亡。

衮泰。滿洲鑲紅旗人。姓伊拉里氏。世居費要和屯。康熙十五年。以驍騎校從安親王岳樂。征逆藩吳三桂。至江西。在萍鄉縣東來龍山。擊偽將軍夏國相李良棟。歿於陣。二十五年。卹贈拖沙喇哈番。以子常在承襲。同旗有努克齊者。從征江西。屢立戰功。從征至湖廣。攻長沙府城。被創。尋創潰卒。卹贈拖沙喇哈番。以子根特承襲。顧納海。滿洲鑲紅旗人。姓佟佳氏。世居罕佳地。

方。康熙十五年。以七品司庫。隨征陝西叛鎮王
輔臣。在平涼護山墩地方。擊僞總兵王繼正兵。
敗之。十八年。從征至湖廣。與逆賊吳國貴戰於
長沙陣亡。卹贈拖沙喇哈番。以子烏蘭布承襲。
同旗有文泰者。姓寧古塔氏。世居訥音地方。亦
於康熙十五年。以護軍校從征陝西。在平涼護
山墩地方。敗王輔臣之子王繼正兵。十七年至
貴州。又破賊有功。二十九年。從征厄魯特噶爾
丹。在烏蘭布通地方。擊賊。歿於陣。贈拖沙喇哈

番。

薩哈達。滿洲鑲紅旗人。姓哲伯氏。世居韓楚哈
地方。從征逆藩吳三桂。至陝西平涼南山。有賊
二千餘。伏兵突出來犯。奮擊敗之。平涼北有賊
僞總兵蔡元。領四千餘賊。自東山來犯。薩哈達
奮勇擊賊。歿於陣。康熙二十五年。贈拖沙喇哈
番。以子薩爾泰承襲。同旗有穆什哈者。姓鄂吉
氏。世居烏喇地方。於康熙十五年。以親軍校從
征逆藩吳三桂。在湖廣長沙府擊賊。歿於陣。尋

議卹。贈拖沙喇哈番。以子胡里承襲。又有名阿爾泰者。姓瓜爾佳氏。世居安楚拉庫多爾濟河。康熙十七年。以驍騎校從征逆藩吳三桂。在蓮花山擊賊被創。尋創潰卒。卹贈拖沙喇哈番。沙爾虎達。滿洲鑲紅旗人。姓瓜爾佳氏。世居烏喇地方。初從征羅察。跳船擊賊有功。授拖沙喇哈番。康熙十七年。從征海寇。至福建。屢敗賊衆。後擊僞將軍劉國軒。歿於陣。加贈拜他喇布勒哈番。以孫額爾特承襲。同旗有米哈納者。順治

塔塔拉氏改他塔喇氏

拉氏。世居扎庫木地方。

初年。以五品官從征山西。屢立戰功。康熙十七年。從征吳耿二逆。在羅門鎮地方擊賊。歿於陣。二十五年。議卹。贈拖沙喇哈番。以孫發福塔承襲。亦以從征吳逆。進四川。在盤龍山等處有功。授拖沙喇哈番。後在府谷縣擊賊。歿於陣。牛莫淳。滿洲鑲紅旗人。康熙十四年。以前鋒從撫遠大將軍信郡王鄂扎。征察哈爾布爾尼。在本旗首先前進。擊斬一賊。凱旋。授拖沙喇哈番。

議卹。贈拖沙喇哈番。以子胡里承襲。又有名阿爾泰者。姓瓜爾佳氏。世居安楚拉庫多爾濟河。康熙十七年。以驍騎校從征逆藩吳三桂。在蓮花山擊賊被創。尋創潰卒。卹贈拖沙喇哈番。沙爾虎達。滿洲鑲紅旗人。姓瓜爾佳氏。世居烏喇地方。初從征羅察。跳船擊賊有功。授拖沙喇哈番。康熙十七年。從征海寇至福建。屢敗賊衆。後擊僞將軍劉國軒。歿於陣。加贈拜他喇布勒哈番。以孫額爾特承襲。同旗有米哈納者。順治初年。以五品官從征山西。屢立戰功。康熙十七年。從征吳耿二逆。在羅門鎮地方擊賊。歿於陣。二十五年。議卹。贈拖沙喇哈番。以孫發福塔承襲。又有傅岱者。姓塔塔拉氏。世居扎庫木地方。亦以從征吳逆。進四川。在盤龍山等處有功。授拖沙喇哈番。後在府谷縣擊賊。歿於陣。牛莫淳。滿洲鑲紅旗人。康熙十四年。以前鋒從撫遠大將軍信郡王鄂扎。征察哈爾布爾尼。在本旗首先前進。擊斬一賊。凱旋。授拖沙喇哈番。

品級章京。二十三年。從公彭春等征羅察。由恒
滾過葫蘆河。招服四十七名羅察。又招服奇勒
爾八姓三十一戶。壯丁九十九名。又招服羅察
頭目伊立克色等六百餘人。後隨官兵攻雅克
薩城。歿於陣。三十年。卹贈拜他喇布勒哈番。以
子保住承襲。

敦拜。滿洲鑲紅旗人。姓博赫里氏。世居撒哈連
烏喇地方。康熙三十五年。以護軍從征厄魯特
噶爾丹。在昭莫多地方擊賊。歿於陣。贈七品官。

是役。本旗托拜和倫泰色特立。靠山。並擊賊陣
亡。俱贈七品官。以子承襲。又有馬兵來色者。亦
以擊賊陣亡。贈八品官。

佛倫。滿洲鑲紅旗人。姓納蘭氏。世居輝發地方。
康熙五十九年。隨官兵安藏。凱旋。渡金沙江。溺
水身故。卹贈七品監生。以弟多倫承襲。同旗有
吳勒者。姓瓜爾佳氏。世居葉赫地方。康熙六十
年。從征策妄阿喇布坦。在索羅木地方陣亡。贈
拖沙喇哈番。以弟之子戴明阿承襲。又有護軍

叅領鄂海。佐領兼護軍叅領常禹。佐領兼委叅
領馬岳。前鋒護衛德福。于三保。何記。爾恨。護軍
校五達哈。納親。伍西圖。驍騎校神寶。領催兼部
委章京富勒賀。十一人。雍正九年。從征準噶爾。
至和通呼爾哈地方擊賊。陣亡。並贈拖沙喇哈
番。各以其子承襲。又有護軍校兼部委章京愛
明阿。雍正十年。在烏孫佳爾地方擊賊。陣亡。得
賞銀三百兩。



